

«Էդիթ Պրինտ» հրատարակչություն

Ավարտական հետազոտական աշխատանք

Թեմա՝ Սաների մեջ ինքնուրույնության, նախաձեռնողականության և
ստեղծագործական ունակությունների զարգացումը ոչ ավանդական
նկարչության գործընթացում

Հաստատություն՝ Թիվ 140 մանկապարտեզ ՀՈԱԿ

Դաստիարակ՝ Բելա Ղևոնդյան

Ղեկավար՝ Ժաննա Ավետիսյան

2023թ.

Բովանդակություն

Ներածություն	3
Գլուխ 1. Սաների մեջ ինքնուրույնության, նախաձեռնողականության և ստեղծագործական ունակությունների զարգացման ուղղությունները	6
1.1 Սաների մոտ ինքնուրույնության, նախաձեռնողականության և ստեղծագործական ունակությունների ընդհանուր նկարագիրը	6
1.2 Ինքնուրույնության, նախաձեռնողականության և ստեղծագործական ունակությունների ձևավորումը ոչ ավանդական նկարչության համատեքստում	8
Գլուխ 2. Հետազոտական վերլուծություն	12
Եզրակացություն	16
Օգտագործված գրականության ցանկ	17

Ներածություն

Թեմայի արդիականությունը: Ինքնուրույնության, նախաձեռնողականության և ստեղծագործական ունակությունների ձևավորումն ու զարգացումն այսօր նախադպրոցական կրթության գլխավոր նպատակներից մեկն է: Սաների ստեղծագործական մտածողության, ինքնուրույն գործելու, նախաձեռնողի դերում հանդես գալու կարողությունների ձևավորումն ու զարգացումը դիտարկվում է որպես արդի հասարակական պահանջ և կրթության կարևոր խնդիր: Վերը նշված կարողությունների բնականոն զարգացումը նախադպրոցականի համար կարևոր հանգամանք է՝ ժամանակակից աշխարհում նորանոր հաջողություններ ունենալու, առկա խնդիրներին հեշտ լուծումներ տալու, նոր գաղափարներ իրականացնելու հարցում: Ինչպես հայտնի է, աշխարհաճանաչողությունը սկսվում է ընտանիքում: Երեխան փորձում է ամեն կերպ բավարարել սեփական հետաքրքրությունները՝ անուղղակի կերպով կուտակելով նոր հմտություններ ու կարողություններ: Այս առումով առանցքային է նաև առաջին շփումը հասակակիցների, դաստիարակների հետ, ինչը, որպես կանոն, նպաստում է, որպեսզի երեխան աստիճանաբար ինտեգրվի հասարակություն, բացահայտի իր թույլ և ուժեղ կողմերն ու կայանա որպես անհատ: Կարևոր է նաև խոսքի բնականոն զարգացումն ու վարվեցողության մշակույթի պահպանումը, որոնք իրենցից ենթադրում են դիմելաձև, ծանոթանալու, ողջունելու ընդունված ձևերի պահպանում, ուշադրություն հրավիրելու խնդրանք, ներողություն խնդրել, շնորհավորել:

Երեխայի ինքնուրույնության, նախաձեռնության խթանումը, խոսքի զարգացումն ու ստեղծագործական ունակությունների ձևավորումը նախադպրոցական մանկավարժության կարևորագույն խնդիրներից մեկն է: Հենց այս համալիր կարողունակությունների շնորհիվ է տեղի ունենում նախադպրոցականի հոգեկան զարգացումը, սոցիալականացումը, ձևավորվում է նրա ներաշխարհը, ուստի հենց այս հիմնախնդիրների կարևորմամբ էլ պայմանավորված է սույն հետազոտության թեմայի արդիականությունը:

Աշխատանքի նպատակը: Ուսումնասիրել նախադպրոցականների ինքնուրույնության, նախաձեռնողականության և ստեղծագործական ունակությունների դրսևորումները, զարգացման աստիճանը, հնարավոր դժվարություններն ոչ ավանդական նկարչության համատեքստում:

Աշխատանքի խնդիրները:

- Բացահայտել նախադպրոցականների սոցիալականացման ու զարգացման մեթոդական հիմքերը համատեղ գործունեության ընթացքում:
- Հիմնավորել նախադպրոցականների ինքնուրույնության, նախաձեռնողականության և ստեղծագործական ունակությունների ձևավորման ու զարգացման մանկավարժական պայմանները:
- Հիմնավորել նախադպրոցական տարիքի երեխաների սոցիալականացման, հաղորդակցական ունակությունների զարգացման, ինքնուրույնության, նախաձեռնողականության, ստեղծագործական ունակությունների խթանման ուղիները ոչ ավանդական նկարչության համատեքստում:

Աշխատանքի օբյեկտը և առարկան: Աշխատանքի օբյեկտ են հանդիսանում սաները, իսկ առարկա է հանդիսանում սաների մոտ ինքնուրույնության, նախաձեռնողականության և ստեղծագործական ունակությունների զարգացման միջոցառումների կազմակերպման հնարքները:

Աշխատանքի վարկածը: Ենթադրվում է, որ դաստիարակի փորձարարական աշխատանքում փոխներգործուն մեթոդների կիրառումը հնարավորություն է ստեղծել, որ սաներն աշխատեն ինքնուրույն, որի արդյունքում զարգանում է սաների ստեղծագործական ունակությունները, ինքնուրույնությունն ու նախաձեռնողականությունը հենց ոչ ավանդական նկարչության դասերին:

Աշխատանքի ընտրանքը: Հետազոտության ընտրանք են կազմում նախադպրոցական հաստատության դաստիարակները և սաները:

Հետազոտության մեթոդները.

- Ջրույց սաների հետ,
- Փոխներգործուն մեթոդներ:

Աշխատանքի տեսամեթոդական հիմքերը: Հետազոտության իրականացման համար տեսամեթոդական հիմք են հանդիսացել ինչպես հայրենական, այնպես էլ արտասահմանյան հեղինակների մասնագիտական ձեռնարկները: Հետազոտության տեղեկատվական հիմք են հանդիսացել դաստիարակների կողմից մանկապարտեզում իրականացվող գործնական աշխատանքների արդյունքները:

Աշխատանքի կառուցվածքը: Սույն հետազոտական աշխատանքը կազմված է ներածությունից, տեսական և գործնական մասերից, եզրակացությունից և գրականության ցանկից:

Գլուխ 1. Սաների մեջ ինքնուրույնության, նախաձեռնողականության և ստեղծագործական ունակությունների զարգացման ուղղությունները

1.1 Սաների մոտ ինքնուրույնության, նախաձեռնողականության և ստեղծագործական ունակությունների ընդհանուր նկարագիրը

Նախադպրոցական հաստատություններում սաների զարգացման, նրանց աշխարհայացքի ձևավորման նախապայմաններից գրեթե առաջնայինը բանավոր խոսքի զարգացումն է: Բանավոր խոսքին տիրապետում են խոսելու միջոցով, և կարևոր խնդիր է, որ երեխային հնարավորություն տրվի անկաշկանդ խոսելու, արտահայտվելու: Երեխայի համար պետք է անընդհատ ապահովել շփման ու հաղորդակցման համար լիարժեք պայմաններ, հարկավոր է թույլ տալ, որ երեխան իր մեջ կուտակված երևակայությունները, պատկերացումներն ու երազանքներն անպայման արտաբերի: Այսպես մենք չենք նվաստացնում նրա կամարտահայտության իրավունքը, ավելին՝ երեխան ավելի արագ է ինտեգրվում սոցիալական միջավայրին ու գիտակցում իր դերն այդտեղ: Կարևոր է պայմաններ ստեղծել երեխաների խոսքի ոգեշնչման համար, ինչը նրանց խրախուսում է, իսկ խոսքն անհամեմատ ակտիվանում է: Խոսքի ոգեշնչման առկայությունը նշանակում է, որ երեխան ունի ներքին մոտիվացիա արտահայտել իր մտքերը: Դա տեղի է ունենում հաղորդակցության հանգիստ, բնական միջավայրում¹:

Ծնված պահից երեխային շրջապատում են տարբեր մարդիկ, անշունչ առարկաներ: Երեխային շրջապատող իրողությունը կոչվում է միջավայր: Երեխան մեծանում և զարգանում է կոնկրետ սոցիալ-մշակութային միջավայրում, յուրացնում է տվյալ հասարակության կողմից փոխանցվող այն փորձը, որի կրողներն են այդ հասարակության հասուն ներկայացուցիչները՝ մեծահասակները²:

Բանավոր խոսքի զարգացման ամենաարդյունավետ ձևն, անշուշտ, բնական հաղորդակցումն է: Շատ կարևոր է ապահովել բնական հաղորդակցության ձևերի բազմազանությունը երեխայի խոսքի զարգացման գործընթացում: Որքան զարգացած է նախադպրոցականի խոսքը, այնքան նա ավելի ինքնուրույն է, նախաձեռնող ու ակտիվ: Երեխայի ընկալումների առումով հետաքրքիր միտք է արտահայտում խորհրդային

¹ Яшина В. И., Алексеева М. М., «Теория и методика развития речи детей», էջ 12:

² Մարության Ա. Ա., Դալլաքյան Ա. Մ., «Նախադպրոցական մանկավարժություն», էջ 22:

հոգեբան և Սենյոնովիչ Վիգոտսկին. «Ուսուցման գործընթացների ժամանակային հարաբերակցության և դրանց հոգեբանական հիմքերի զարգացման հարցի ուսումնասիրությունները ցույց են տվել, որ զարգացումը միշտ առաջ է ընթանում ուսուցումից: Երեխան ավելի վաղ է տիրապետում որոշակի հմտությունների, քան գիտակցաբար և կամավոր կերպով սովորում է դրանք կիրառել: Զարգացումը տեղի է ունենում այլ տեմպերով, և ունի իր ներքին տրամաբանությունը»³:

Անընդհատ մտավոր գործունեություն կատարող երեխայի միտքը գնալով ավելի կազմակերպված է դառնում, հետևապես նաև խոսքն է լինում տրամաբանված և իմաստավից: Սահուն խոսքը մտավոր բարձր զարգացման արդյունքն է: Այսպիսով, նախադպրոցականի ընդհանուր զարգացման, ինքնուրույնության ու նախաձեռնողականության խթանման, ինչպես նաև մտավոր դաստիարակության խնդիրների համակարգում առանձնանանում է խոսքի զարգացումը: Զրույցը բանավոր խոսքի զարգացման գործնական միջոցներից է: Զրույցի կազմակերպումը ավելի մեծ հմտություն է ենթադրում, քան բուն գրուցելու կարողությունը: Նախադպրոցական մանկավարժության մեջ զրույցը դիտարկվում է որպես շրջակա միջավայրն ծանոթացման, ինչպես նաև կապակցման խոսքի զարգացման ու երեխայի սոցիալականացման միջոց: Այս համատեքստում շատ կարևոր է զրույցի նշանակությունը երեխայի մտավոր առաջընթացի համար, քանի որ այն նպաստում է նախադպրոցականի մտածողության զարգացմանը, օգնում է իմաստավորելու սեփական փորձը, ճիշտ ձևակերպելու միտքը, լսելու և հասկանալու ուրիշի խոսքը:

Նախաձեռնողականությունը նորարարությունների հանգեցնող մտքերի ակունքն է: Չէ՞ որ մի բան է տարաբնույթ մտքեր ունենալ, իսկ մեկ այլ բան՝ այդ հանձարեղ մտքերը զարգացնելն ու կյանքի կոչելը՝ ձեռնարկելով հստակ քայլեր: Պակաս կարևոր չէ ինքնուրույնությունը, որի համար անհրաժեշտ նախապայմաններ են հանդիսանում որոշման կայացումը, ներքին ազատությունը, պատասխանատվության գիտակցումը, կայացման ձգտումը, ինչին հնարավոր է հասնել գիտելիքի, մասնագիտության նախընտրության և պահանջարկի համապատասխանությամբ, արժեհամակարգի ձևավորմամբ, մատչելի տեղեկատվության ապահովմամբ և այլն: Մանկության տարիներին ազատ և դերային խաղերի առաջադրմամբ երեխային կարելի է ուղղորդել, հետևել նրա ընտրության սկզբնական քայլերին, սովորեցնել պատասխանատվություն

³ Выготский Л. С., «Мышление и речь», Москва 1934, էջ 31

կրել սեփական ընտրության համար, միջանձնային շփումներում լինել բարեվարք, հանդուրժող:

Այսպիսով, կարող ենք ասել, որ ուսուցման երեխայակենտրոն մոտեցումը բավականին խոսում է ու դաստիարակին հնարավորություն է տալիս լինել ուղղորդող-ուսուցանողի դերում՝ խրախուսելով երեխայի ինքնուրույն ձեռքբերումները: Փոխգործուն մեթոդների առանձնահատկություններն են՝ երեխայի իմացական գործընթացների կազմակերպումը, հետաքրքրությունների բացահայտումը, համագործակցային կարողությունների զարգացումը, անհատական առանձնահատկությունների բացահայտումը, հաղորդակցական ունակությունների ձևավորումը, տրամաբանական մտածողության զարգացումը, ինքնուրույնության խրախուսումը, վերլուծական կարողությունների ձևավորումը: Դաստիարակի խնդիրն է ընդհանուր սահմանված մեթոդը հարմարեցնել կոնկրետ իրավիճակին, իր ունեցած մեթոդական զինանոցից ընտրել համապատասխան մեթոդը՝ ելնելով իրականացվող աշխատանքի նպատակներից:⁴

1.2 Ինքնուրույնության, նախաձեռնողականության և ստեղծագործական ունակությունների ձևավորումը ոչ ավանդական նկարչության համատեքստում

Նախադպրոցական տարիքի երեխայի համար ստեղծագործական ունակություններն անհատական հատկություններ են, որոնք որոշում են ցանկացած ստեղծագործական գործունեության իրականացման հաջողությունը: Ստեղծագործությունը կարելի է անվանել նախադպրոցական կրթության շատ հատկությունների միաձուլումը: Այս բոլոր հատկությունների հիմքը երևակայությունն է և ստեղծագործական մտածողությունը, որի զարգացումը հանգեցնում է նախադպրոցական տարիքում ստեղծագործական ունակությունների բարելավման:

Նախադպրոցականների ստեղծագործական ունակությունների զարգացման համար բավականին արդյունավետ միջոցներ ու մոտեցումներ կան նախադպրոցական

⁴ Նույն տեղում, էջ 122:

մանկավարժության պրակտիկայում, որոնցից կարելի է առանձնացնել խաղային տեխնոլոգիաների կիրառումը ոչ ավանդական նկարչության ժամանակ: Խաղով ուղեկցվող ուսումնական ու նկարչական պարապունքների ընթացքում, խաղի օգնությամբ կարելի է զարգացնել նախադպրոցականի կապակցված խոսքը, պատկերավոր ու քննադատական մտածողությունը, ինքնուրույնությունը, երևակայությունը: Նկարչական խաղերը նաև միջոց են, որպեսզի երեխայի մոտ ձևավորվեն գործողություններն ու զգացմունքները ինքնուրույն կարգավորելու ունակությունները, վերլուծելու, ստեղծագործելու կարողությունները: Խաղը պետք է կազմակերպվի որպես երեխաների հետ դաստիարակի համատեղ գործունեություն:⁵

Հետաքրքիր խաղային մեթոդ է նաև կիսատ նկարչության շարունակությունը: Ղաստիարակը որևէ հետաքրքրական միտք է ասում, սակայն թողնում է անավարտ: Երեխան իր պատկերացրած ձևով պետք է նկարի: Կարելի է նման կերպ նաև որևէ պատմություն հորինել, որպեսզի երեխայի համար ավելի պատկերավոր դառնան այն նոր բառերը, որոնք աշխատանքի արդյունքում կսովորի: Կարելի է կիրառել նաև ստեղծագործականությունն ու խոսքը զարգացնող խաղ խաղալիքների օգնությամբ: Խաղի համար մեզ անհրաժեշտ կլինի մրգերի կամ բանջարեղենի խաղալիքներ, պարկ: Երեխային տալիս ենք բոլոր մրգերը հերթով՝ շոշափի, նկարի յուրաքանչյուր մրգի արտաքին առանձնահատկությունները և այն ցույց տա դաստիարակին:

Որպեսզի դաստիարակը կարողանա սանի մեջ խթանել ստեղծագործական ունակությունները, հարկավոր է երեխաներին չդնել կաղապարների մեջ, թույլ տալ ինքնաարտահայտման, սեփական կարծիքն անկաշկանդ արտահայտելու, ինքնուրույն գործունեություն կատարելու: Նկարչության, երաժշտության, մաթեմատիկայի պարապունքների ժամանակ շատ հարկավոր է խրախուսել երեխաների ինքնուրույն գործունեությունը, քանի որ հենց նման կերպ կարելի է հիմք նախապատրաստել, որ երեխան անցնի հնարավոր դժվարությունների միջով, տեսնի իրեն շրջապատող գեղագիտությունը, ստեղծագործաբար մոտենա իր աշխատանքին⁶: Կերպարվեստի պարապունքի շրջանակներում կարելի է խնդրել, որ երեխան պատմի իր նկարի մասին, հիմնավորի գույների ընտրությունը, բնության գրկում զբոսանքներից հետո պատմի իր զգացողությունների, նախընտրելի եղանակի, մի խոսքով՝ սիրածի ու չսիրածի,

⁵ Ավետիսյան Ժ., Փոթիկյան Գ., Ոչ ավանդական նկարչություն, Եր. 2019, էջ 7:

⁶ Հակոբյան Ա., Ոչ ավանդական նկարչությունն էվ դիզայն, Եր. 2022, էջ 11-15:

հասկացածի ու չհասկացածի մասին: Այլ խոսքով՝ հարկավոր է նախադպրոցականին անդադար խոսեցնել, հարցեր տալ, խնդրել, որ երկխոսի, կիսվի իր մտածմունքներով, իր բառերով վերաշարադրի հեքիաթը, դուրս նայի պատուհանից ու պատմի այն, ինչ տեսնում է, առանց դաստիարակի օգնությամբ նկարի, ծեփի, աշխատի կոնստրուկտորներով:

Նախադպրոցական կրթության համակարգը պետք է ուղղված լինի ոչ միայն գիտելիքներով հարուստ, մտավոր գործունեության ընդունակ երեխայի զարգացմանը, այլև նրա անձնային հիմնարար որակների և սոցիալական հմտությունների զարգացմանը: Նախադպրոցական տարիքն առաջին հերթին երեխայի անձնավորության կայացման կարևորագույն շրջանն է⁷:

Այսպիսով, կարող ենք արձանագրել, որ նախադպրոցականի համար շատ կարևոր է ապահովել ինքնուրույնության մթնոլորտ, որտեղ նա կարող է ինքնուրույն գործել, որոշումներ կայացնել, համագործակցել ընկերների հետ, համատեղ աշխատանքի միջոցով ունենալ հաղթանակներ: Այս համատեքստում առանձնահատուկ կարևորվում է նախադպրոցական կրթության ոլորտի մանկավարժի դերը, որը կոչված է իրականացնելու մի շարք կարևորագույն մասնագիտական գործառույթներ: Արդյունավետ ու դրական աշխատանքի համար մանկավարժ-դաստիարակը պետք է ունենա մասնագիտական ու մարդկային բարձր որակներ, սիրի երեխաներին: Թերևս այս ամենի ամբողջությունը հաշվի առնելով՝ մանկավարժ-դաստիարակն իր աշխատանքն իրականացնելիս պետք է դրսևորի՝

- Երեխաների հետ տարբերակված աշխատանք կատարելու կարողություն:
- Անհատական աշխատանք երեխայի հետ:
- Աշխատանք ծնողների հետ:
- Նախադպրոցական հաստատություն, երեխա, ծնող կապի անքակտելի կապի բնականոն ապահովում և համագործակցության կարևորում:
- Ընդհանուր զարգացման մակարդակի, երեխաների առանձնահատկությունների գնահատման կարողություն:
- Երեխաների գործունեության գործընթացում նրանց կարողունակությունների գնահատումը իրականացնելու կարողություն:

⁷ Ներսիսյան Լ. Ս., Նկարել սովորելու գաղտնիքը.-Եր. Մեկնարկ, 2019, էջ 28:

- Երեխաների հետ անկաշկանդ շփվելու կարողություն:
- Երեխաների ստեղծագործ մտածողությունը խթանելու կարողություն:
- Համընդհանուր բարեվարքության կանոնների ուսուցումը կազմակերպելու և դրանք վերահսկելու կարողություն:
- Բանավոր խոսքի սաղմնավորման և հետագա զարգացման փուլերում այն խրախուսելու, զարգացնելու կարողություն:
- Համակարգված աշխատելու կարողություն:
- Մի շարք մեթոդներ ու հնարներ գործնականում կիրառելու կարողություն:
- Ինքնազարգացում, ինքնակրթություն, բացթողումների շտկում⁸:

Այսպիսով, մանկավարժ-դաստիարակը պետք է փորձի ֆիզիկական, գեղագիտական, բարոյական ու մտավոր դաստիարակության առանցքում դնել երեխային՝ հաշվի առնելով վերջինիս անհատական պահանջմունքները, գիտակցական մակարդակը, կարողությունները, հմտությունները: Երեխաները տարբեր են, տարբեր են նրանց ընկալումները, ցանկությունները, երազանքներն ու վարքը, սակայն նրանք բոլորը ունեն պահանջմունքներ, որոնք հաճախ տարբեր են, ուստի և յուրաքանչյուրի հետ անհրաժեշտ է տանել անհատական աշխատանք, որպեսզի երեխան ունենա բնականոն զարգացում: Պետք է փորձել ճանաչել նրանց, հասկանալ, թե որ կարողունակությունն է նրանց համար դժվար հասանելի ու աշխատել հենց այդ ուղղությամբ:

⁸ Алехин А.Д., Когда начинается художник, 2-е изд., М. 2020, էջ 15-18:

Գլուխ 2. Հետազոտական վերլուծություն

Ներկայացնենք սեփական իրականացված հետազոտական փորձը, որտեղ օգտագործվել է փոխներգործուն մեթոդ՝ հնարավորություն ստեղծելով, որ սաներն աշխատեն ինքնուրույն: Նմանօրինակ մեթոդներ հաճախակի է կիրառվում սեփական մանկավարժական գործունեության ընթացքում՝ նպատակ ունենալով զարգացնել սաների ստեղծագործական ունակությունները, ինքնուրույնությունն ու նախաձեռնողականությունը հենց ոչ ավանդական նկարչության դասերին: Որ ավանդական նկարչությունը նկարչության ձև է, որը չունի սահմաններ և արգելքներ, որտեղ նկարչության գործիք է շրջապատում ցանկացած իր, և որը բացահայտում է երեխայի ներաշխարհը և զարգացնում երևակայությունը, մտածելու և ստեղծագործելու կարողությունները: Նկարչության ընթացքում զարգանում են բոլոր կարևոր ֆունկցիաները՝ տեսողական ընկալում, պատկերացում, երևակայություն, հիշողություն, մտածողություն: Վերջերս շատ լայն տարածում է գտել ստվերային և ջրային նկարչությունը:

Ոչ ավանդական նկարչությունը նախ հնարավորություն է տալիս.

- նախադարոցականի հուզական ոլորտի զարգացմանը,
- զգայական փորձի հարստացմանը,
- նախադարոցականի իմացական գործունեության ակտիվացմանը,
- ստեղծագործական մտքի ակտիվացմանը
- երեխայի ընդունակությունների բացահայտմանն ու անձնային կարևոր հատկությունների ձևավորմանը,
- երևակայության զարգացմանը:

Ոչ ավանդական նկարչության խնդիրներին են պատկանում՝

- գեղեցիկի, արվեստի մասին տարրական գիտելիքների փոխանցումը,
- գեղեցիկին կամ տգեղին հուզականորեն համարժեք արձագանքելու ունակության ձևավորումը,
- գեղեցիկը նկատելու և գնահատելու կարողությունների ձևավորումը,
- գեղեցիկը ճանաչելու պահանջմունքի զարգացումը,
- գեղագիտական ճաշակի դաստիարակությունը:

Ոչ ավանդական նկարչության ձևերից են.

- մատերով նկարչություն.
- սավանի կամ լաթի վրա նկարչություն.
- սպունգով նկարչություն.
- բանջարեղենով ու մրգերով նկարչություն.
- տերևներով նկարչություն.
- մի շարք այլ առարկաներով նկարչություն և այլն:



Նշված խնդիրներն ուղղված են երեխաների գեղագիտական գիտակցության ձևավորմանը: Հաջորդ՝ երկրորդ խմբի խնդիրները նպաստում են գեղագիտագեղարվեստական ընդունակությունների զարգացմանն ու կարողությունների ձևավորմանը: Մասնավորապես.

- Մանր շարժողականության զարգացում,
- Տեսատարածական ընկալման և կողմնորոշման զարգացում,
- Նկարչական ունակությունների ձևավորում և զարգացում:

Անհրաժեշտ պարագաները՝

- Թուղթ
- Գուաշ կամ ջրաներկ
- Ջրաման
- Վրձին
- Լաթ

*Թեմա՝ Հ. Թումանյանի «Անխելք մարդը» հեքիաթի ընթերցումը և հետազայում
անխելք մարդու և ծառի ու գայլի նկարագարողումը»*

Նպատակները՝

✓ Սաներին փոխանցել հեքիաթի բովանդակությունը, տալ գաղափար չարի ու բարու մասին, բացատրել հեքիաթում առկա անժանոթ բառերը:

✓ Սաների մոտ առաջացնել հետաքրքրություն հեքիաթների ունկնդրելու նկատմամբ:

✓ Գործնական աշխատանքի օգնությամբ ձևավորել թիմում աշխատելու հմտություն:

✓ Ջարգացնել մանր մտորիկան, նկարելու, ծեփելու ունակությունները:

✓ Խթանել երևակայությունը, ինքնուրույնությունն ու նախաձեռնությունը:


✓ Նպաստել սովորողների ստեղծագործական մտածողության զարգացմանը:

Խթանման փուլ: Այս փուլում ընթերցել «Անխելք մարդը» հեքիաթը՝ կիրառելով ստեղծագործական մտածողությունն ու երևակայությունը զարգացնող մի հնար: Երեխան սկսում է ստեղծագործել, երևակայել, հորինել, իսկ արդյունքում զարգանում է նրա ստեղծագործական մտածողությունը: Երբ երեխան սկսում է հեքիաթը պատմել իր տարբերակով, ապա պետք չէ նրան ուղղել: Այսպես, նախադարձականի բառային պաշարն է զարգանում, նա սկսում է երևակայական հերոսներ հորինել: Այս եղանակով հեքիաթի ընթերցումից հետո կարելի է կազմակերպել խմբային քննարկում: Քննարկումն ակտիվացնել հուշող, ուղղորդող հարցադրումների միջոցով:

Իմաստի ընկալման փուլ: Գրատախտակին փակցնել հեքիաթի հերոսներին նրանց տալ 15 թույլ ժամանակ հերոսներին նկարելու համար: Երեխաները պետք է մատիկներով նկարեն գրատախտակին փակցված նկարները:



Այդ ընթացքում հետևել սաների խոքին, մոտորիկային, հարկ եղած դեպքում ուղղելով ու շտկելով նրանց: Հաջորդիվ, հոգնածությունը լարվածությունը թոթափելու համար փոքրիկները կդիտեն «Անխելք մարդը» մուլտֆիլմը, իսկ ընթացքում մոնիտորի վրա ցուցադրել նախօրոք պատրաստած տեսասահիկը՝ հեքիաթի գլխավոր հերոսների նկարներով:



Կշռադատման փուլ: Այս հատվածում սաների տալ նոր առաջադրանքներ՝ Պատրաստել նկար «Անխելք մարդը» հեքիաթի շուրջ:

Եզրակացություն

Այսպիսով, կատարված հետազոտական աշխատանքի արդյունքում հանգել ենք այն եզրակացման, որ ընտրված աշխատության թեման անսպառ ուսումնասիրության և վերլուծության երկարատև աշխատանք է պահանջում: Սակայն մի բան հստակ է, եթե մենք նպատակ ենք դնում զարգացնել նախադպրոցականի խոսքը, ինքնուրույնությունն ու նախաձեռնողականությունը, ապա անհրաժեշտ է հաշվի առնել, որ որոշակի կոնկրետ գոտում նա ունի իր հետաքրքրությունները, առանձնահատկությունները: Երեխայի այդ պահանջմունքները բավարարելու համար դաստիարակը պետք է կուտակի նորանոր հմտություններ ու կարողություններ, որպեսզի արդյունավետ աշխատանք տանի: Դաստիարակը պետք է երեխաների շփման համար ստեղծի հարմարավետ պայմաններ, որպեսզի նրանք մեծանան նախաձեռնող, մտածող, ստեղծագործող և ինքնուրույն:

Բարոյահոգեբանական կայուն մթնոլորտը թույլ կտա, որ երեխան ժամանակի ընթացքում ինտեգրվի հասարակություն ու նախաձեռնողի դերում լինի, ցանկանա սովորել ու իր սովորածը կիրառել նախադպրոցական հաստատությունից դուրս: Դաստիարակը զանազան մեթոդների կիրառությամբ պետք է փորձի հարստացնել նախադպրոցականի բառային պաշարը: Ոչ ավանդական նկարչության պարապունքների ժամանակ հարկավոր է անդադար զրուցել նրա հետ, լսել նրա մտահոգությունները, պարզաբանել այս կամ այն երևույթի մասին նրա հուզող հարցերը: Այսպիսով, դաստիարակը հիմք է նախապատրաստում, որ առաջիկայում նախադպրոցականն ունենա առաջընթաց ու կարողանա ձևավորել կապակցված խոսք, լինի ավելի ինքնուրույն ու կազմակերպված:

Օգտագործված գրականության ցանկ

1. Ավետիսյան Ժ., Փոթիկյան Գ., Ոչ ավանդական նկարչություն, Եր. 2019.
2. Հակոբյան Ա., Ոչ ավանդական նկարչությունն եվ դիզայն, Եր. 2022.
3. Մարության Ա. Ա., Դալլաքյան Ա. Մ., և «Նախադպրոցական մանկավարժություն», Եր. 2017.
4. Ներսիսյան Լ. Ս., Նկարել սովորելու գաղտնիքը.-Եր. Մեկնարկ, 2019.
5. Алехин А.Д., Когда начинается художник,2-е изд., М. 2020.
6. Выготский Л. С., «Мышление и речь», Москва 1934.
7. Яшина В. И., М. М. Алексеева,«Теория и методика развития речи детей», М. 2011.